



Broj: T18 0 KT 0019022 25
Brčko: 23.06.2026. godine

Optužnica potvrđena dana 23.07.2026. godine

Na osnovu člana 35 stav (2) tačka i) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

1. P. S., rođen ... 1983. godine u Brčkom i

2. Z. S., rođen ... 1995. godine u Brčkom

Što su:

P.S. sam:

1. U periodu od 09.11.2024. godine do 11.11.2024. godine, s ciljem pribavljanja protivpravne imovinske koristi, svjestan da oduzima tuđu stvar, što je i htio, u ulici J.J. Štrosmajera, Brčko distrikt BiH, na gradilištu, oduzeo bagersku kašiku, sa ćiriličnim natpisom „MIKO“, dimenzija 30 cm, težine 250-300 kg, sa dva zuba na prednjoj strani i nadograđenim uloškom između zuba, koja je vlasništvo „...“ d.o.o., vrijednosti oko 500,00 KM,

dakle, tuđu pokretninu oduzeo drugome s ciljem da njenim prisvajanjem pribavi sebi protivpravnu imovinsku korist,

2. Dana 27.01.2026. godine, oko 17,18 sati, u ulici Braće Ćuskića, Brčko distrikt BiH, s ciljem pribavljanja protivpravne imovinske koristi, došao u TC „Bingo“, te svjestan da oduzima tuđu stvar, a što je i htio, sa polica oduzeo dva pakla „Gillette“ patrona za brijanje, stavio ih u korpu, a potom izvadio iz korpe i stavio u džep svoje jakne, nakon čega je napustio navedeni objekat bez da je artikle platio,

dakle, tuđu pokretninu male vrijednosti, oduzeo drugome s ciljem da njenim prisvajanjem pribavi sebi protivpravnu imovinsku korist, takve vrijednosti,

P.S. i Z.S. zajedno:

1. U periodu od 01.11.2024. godine pa do dana 30.12.2024. godine, u mjestu Gornja Skakava, Brčko distrikt BiH, s ciljem pribavljanja protivpravne imovinske koristi, svjesni da oduzimaju tuđe stvari, što su i htjeli, došli do kuće vlasništvo F. J., te upotrebom fizičke snage i podesnog alata-pajsera, razvalili ulazna vrata, ušli u kuću, izvršili premetačinu stvari i iz kuće oduzeli dva

televizora nepoznate marke, zatim upotrebom podesnog predmeta provalili u podrumске prostorije gdje su oduzeli oko 100 litara rakije,

dakle, kao saizvršioci, provaljivanjem došli do tuđih pokretnih stvari u zatvorenim prostorijama i oduzeli ih drugome s ciljem da njihovim prisvajanjem pribave sebi protivpravnu imovinsku korist,

2. Dana 05.11.2024. godine, u mjestu Donji Rahić, Brčko distrikt BiH, s ciljem pribavljanja protivpravne imovinske koristi, svjesni da oduzimaju tuđe stvari, što su i htjeli, došli do kuće vlasništvo V. M., te upotrebom fizičke snage i podesnog alata, izvršili kidanje metalne zaštitne rešetke na prozoru, ušli u kuću i oduzeli veš mašinu i frižider nepoznate marke,

dakle, kao saizvršioci, provaljivanjem došli do tuđih pokretnih stvari u zatvorenim prostorijama i oduzeli ih drugome s ciljem da njihovim prisvajanjem pribave sebi protivpravnu imovinsku korist,

3. U periodu od 17.02.2025. godine do 03.03.2025. godine, u mjestu Gorice, Brčko distrikt BiH, s ciljem pribavljanja protivpravne imovinske koristi, svjesni da oduzimaju tuđe stvari, što su i htjeli, došli do kuće „Lovački dom Gorice“ koja pripada lovačkom društvu „Sokol“ Seonjaci, te upotrebom podesnog alata, izvršili provalu odvaljivanjem ulaznih vrata, ušli u unutrašnjost objekta i oduzeli peč na čvrsto gorivo i jedan paket kugli za boćanje, vrijednosti oko 1.150,00 KM,

dakle, kao saizvršioci, obijanjem došli do tuđih pokretnih stvari u zatvorenim prostorijama i oduzeli ih drugome s ciljem da njihovim prisvajanjem pribave sebi protivpravnu imovinsku korist,

4. U periodu od 13.02.2025. do 19.02.2025.godine, u ulici Muse Ćazima Ćatića, na buvljoj pijaci Klanac, Brčko distrikt BiH, s ciljem pribavljanja protivpravne imovinske koristi, svjesni da oduzimaju tuđe stvari, što su i htjeli, došli do drvenog objekta vlasništvo G. B., te upotrebom fizičke snage i podesnog alata, izvršili kidanje katanca na ulaznim vratima, te iz unutrašnjosti objekta oduzeli 16 buntova „PGP“ kablova, ukupne dužine 1.600 metara, vrijednosti oko 2.717,00 KM,

dakle, kao saizvršioci, provaljivanjem došli do tuđih pokretnih stvari iz zatvorenih prostorija i oduzeli ih drugome s ciljem da njihovim prisvajanjem pribave sebi protivpravnu imovinsku korist,

5. U periodu od 11.11.2022. godine do 12.08.2023. godine, u mjestu Marković Polje, Brčko distrikt BiH, s ciljem pribavljanja protivpravne imovinske koristi, svjesni da oduzimaju tuđe stvari, što su i htjeli, došli do kuće vlasništvo I. M.. i Z. M., te upotrebom podesnog alata i fizičke snage provalili u kuću te iz prizemlja oduzeli frižider, zamrzivač, usisivač, tri pumpe za vodu sa protivpožarnim crijevima, aparat za izvlačenje vlage i tri grijalice, vlasništvo I. M., iz potkrovlja oduzeli dvije motorne pile marke „Stihl“, kliješta za presovanje bakra, fleks, brusilicu marke „Bosch“, deset komada kabela za struju dužine od 25-50 metara, motalicu dužine kabla 50 metara narandžaste boje, vlasništvo Z. M., dok su iz garaže oduzeli sušilicu za malter, motalicu, reflektor, pet plastičnih korita i sitni alat, vrijednosti oko 10.000,00 KM,

dakle, kao saizvršioci, provaljivanjem došli do tuđih pokretnih stvari iz zatvorenih prostorija i oduzeli ih drugome s ciljem da njihovim prisvajanjem pribave sebi protivpravnu imovinsku koristi,

6. U periodu od kraja novembra 2024. godine pa do dana 24.01.2025. godine, u mjestu Krepšić, Brčko distrikt BiH, s ciljem pribavljanja protivpravne imovinske koristi, svjesni da oduzimaju tuđu stvar, što su i htjeli, došli do neobezbijedene garaže, vlasništvo I. A. i oduzeli traktorski dvobrazni plug, marke „IMT“, crvene boje, vrijednosti oko 1.500,00 KM, vlasništvo F. B.,

dakle, kao saizvršioci, tuđu pokretninu oduzeli drugome s ciljem da njenim prisvajanjem pribave sebi protivpravnu imovinsku korist,

7. U periodu od 10.12.2024. godine do 12.12.2024. godine, u naselju Ilička, Brčko distrikt BiH, iza pekare „...“, s ciljem pribavljanja protivpravne imovinske koristi male vrijednosti, svjesni da oduzimaju tuđu stvar, što su i htjeli, iza pekare „...“, u naselju Ilička, Brčko distrikt BiH, s ciljem pribavljanja protivpravne imovinske koristi, sa radne mašine otkinuli katanac i oduzeli jedan akumulator, marke „Start“ jačine 140 Ah, vlasništvo d.o.o. „...“ Brčko, vrijednosti oko 350,00 KM,

dakle, kao saizvršioci, tuđu pokretninu male vrijednosti oduzeli drugome s ciljem da njenim prisvajanjem pribave sebi protivpravnu imovinsku korist, a postupali su s ciljem pribavljanja imovinske koristi takve vrijednosti,

8. U periodu od 05.12.2024. godine do 14.12.2024. godine, u mjestu Prijedor, Brčko distrikt BiH, s ciljem pribavljanja protivpravne imovinske koristi, svjesni da oduzimaju tuđe stvari, što su i htjeli, upotrebom podesnog alata provalili u vikendicu čiji je vlasnik M. I. iz koje ništa nisu oduzeli, a nakon toga upotrebom fizičke snage i podesnog predmeta nasilno otvorili glavna ulazna vrata kuće koja se nalazi u fazi izgradnje, vlasništvo A. I., iz koje su oduzeli crno produžno kablo na motanje, dužine oko 25 metara, vlasništvo Z. B.,

dakle, kao saizvršioci, provaljivanjem došli do stvari iz zatvorenih prostorija i oduzeli ih drugome s ciljem da njihovim prisvajanjem pribave sebi protivpravnu imovinsku korist,

9. Dana 23.11.2025. godine, oko 05,40 sati u mjesti Potočari bb, u Brčko distrikt BiH, dok su boravili na benzinskoj pumpi „...“, s ciljem pribavljanja protivpravne imovinske koristi, a što su i htjeli, iskoristili nepažnju radnika M. Š. koji je spavao iza pulta sa kasom, te u namjeri da oduzmu tuđu stvar, a što su i htjeli, P. prišao pultu i u više navrata otvorio ladicu u kojoj se nalazio novac, koji je oduzeo, nakon čega je otišao do magacina i otključao ulazna vrata koja se nalaze sa zadnje strane benzinske pumpe, a potom su P. i Z. izašli iz objekta sjeli u pmv vozilo marke „Peugeot“ crvene boje koje su parkirali sa zadnje strane benzinske pumpe pored ulaznih vrata koje je P. prethodno otključao, nakon čega je P. ušao u magacin iz kojeg je oduzeo više šteka raznih cigareta, koje je predao Z., a Z. je oduzete cigarete stavio u navedeni auto, nakon čega su se zajedno udaljili sa lica mjesta, čime su na takav način za sebe pribavili protivpravnu imovinsku korist u iznosu od 11.156,20 KM, za koji iznos su oštetili „...“ doo Brčko,

dakle, kao saizvršioci, provaljivanjem došli do stvari iz zatvorenih prostorija i oduzeli ih drugome s ciljem da njihovim prisvajanjem pribave sebi protivpravnu imovinsku korist,

čime je P.S. radnjama opisanim pod tačkama od 1 do 11 počinio produženo krivično djelo – Teška krađa – iz člana 281 stav (1) u vezi sa članom 55 Krivičnog zakona Brčko distrikta BiH, od kojih je tačke od 3 do 11 počinio kao saizvršilac, a Z.S. radnjama opisanim pod tačkama 3.,4.,5.,6.,7.,8.,9.,10. i 11. počinio produženo krivično djelo – Teška krađa – iz člana 281 stav (1) u vezi sa članom 55 i 31 istog Zakona.

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.
